

湖北詩徵傳略

湖北諷徵傳略卷九目錄

漢川

明周嘉謨

王諫

尹賓商

尹迴

魏閱

國翰
顧如華

龍文玉

歐陽暹

林長蒿

程廷材

李祖材

程延棟

林正紀
子德仁

程廷棻
子煜

汪特昌

岳東瞻

丁松

鎬振智
子象誼

秦之炳
子啟聚

駱中渠

周士望

黃祖企

聶大煥

周暹

毛文鵬

熊奇生

陳孟青

張清標

方陶

周 蓉

李先華

傅

垣

弟均培

湖北詩徵傳略卷九

漢川

孝感丁宿章星海輯 子彝校字

明

周嘉謨

字明卿號敬松隆慶進士官南京吏部尚書贈少保有滄浪草墨池清紀餘清圖年譜

少保丰采嚴毅文章樸茂典重世傳十五奏議讀者猶想見立朝風節出守韶州備兵瀘州累司藩臬尊撫滇督粵所至弭畔盜滅礦稅戢瑞威轉南司農北司空晉掌銓衡光宗崩與楊漣等受顧命當選侍移宮議起逆璫誣陷善良幾及於禍懷宗立誅羣奸起公南冢宰旋請老歸

少保本竟陵產祖岳仕漢川廣文因著籍焉嘉靖甲子少保入試邑人有議阻者知縣吳文華奇其文曰國器也拔第一羣議

遂寢竟陵詩選雖錄其詩究以列入漢川爲是

公詩氣度雍容如其人生當七子之際而無騰囂叫喚之習其立朝錚錚中立不倚之風概猶可於五七字中徵之言爲心聲不信然哉表忠觀歌七古娓娓數百言波瀾橫溢奮迅馳突有辟易千人之勢七律尤所擅長意匠深秀雅近中唐答胡公占云幽興從來愛薜蘿名園高峙帶江沱竹間有客攜琴入花裏容人載酒過百里星原因德聚一宵話勝讀書多只今春色郊原滿何日相期卧綠莎送陳志寰司徒還朝云三晉歸來逸興翩蹉跎啟事幾經年人間歲月飄蓬轉天上壘辰曳履旋松石乍違心膂伴楓宸常賴股肱賢老夫滌耳滄浪曲新綉傳宣自

日邊餼費侶鶴韻云性命何須用蔡者鷓行遂隊首堦墀幾季
瀚海生波日此際危檣到岸昔詎謂求賢勞汲引祇因藏拙老
棲遲灌園把釣無多事回首猶歌天保詩陞辭出朝口占云連
章得請賦來歸丹陛陳情淚溼衣自信心長緣髮短敢云昨是
寬今非兼驅猛獸無長策閑伴浮鷗有息機獨使至尊勞盱食
難將寸艸答春暉

王

諫字蓋臣有
青陽集

張清標曰邑先達王蓋臣在明昔亟負詩名有過伏龍山云駟
馬高車輕且都歸來耕釣傍江湖勝收彭澤千畦秫不羨松江
一尺鱸東郭每懷獨載酒王門應笑舊吹竽閒昔倚枕西窗下

休問從前九折途

尹賓商

字亦庚號於皇別號白毫子官知縣有小書龍集艾納阿蘇稿焦螟子兵部記等書

賓商有雋才喜談兵爲知縣忤上官免歸杜門著書以終

登朝宗樓云翬飛千尺勢崔嵬見闢乾坤雙眼開共擬蛟宮凌
瞬睨訛傳蜃氣結樓臺雲來暝奪千家曉風急晴暄萬壑雷何
必乘槎浮海去江干亦自有蓬萊又句坐邀烏鵲杖頭月飽看
青山畫裏詩皆氣韻音雅琅然可誦

尹

迴

字長吉號子長萬麻舉人官國子監助教有樓白集元對齋集空囊艸翼望樓室坐談鏡裏子別集

迴學問淵博與天門鍾惺相往還工爲古文詞前輩張甌山比
於空同滄溟其它著作多放誕不經之譚蓋亦好奇詭之士

也通志

魏

閻字明閻明季諸生有清風處士詩古文集

閻鼎革後高卧不起潛心理學巡撫張朝珍建清風書院居之所著周易講義詩文集皆未見清門零落楚詩紀載其比類一篇云蘭生雜棘莽樵蘇斧以斯木非惡木質能勿爨下資移植申椒藜貞節適所宜零落吐蕊遠風來香與馳美人氣相若婉出斷金詞叮嚀紉佩者木難間玉芝慎哉幽芳物莫使棄如遺每誦一過輒想其天爵自尊蟬蛻風舉之概

邑志

重建黃鶴樓後四句云乘雲羽客名常在賣酒人家姓不同此日登臨舒醉眼白雲吞入酒杯中送友云竿拂珊瑚馬拂雲送

君此去淚紛紛秋來風起無相憶釣得鱸魚便寄君

國朝

顧如華

字質夫號西巖順治進士官浙江叅議有質思齋詩文集六是堂涉園等集讀莊一映病中移心集

如華由知縣擢御史龔鼎孳稱爲真御史者也巡按四川還出爲浙江叅議未赴疾作明年卒如華與華亭沈麟布衣交當巡江浙鹽政下車先造其門遂與麟及學士吳偉業飲月虎邱歌詠爲樂吳人繪圖目記如華卒麟敝衣裹糧奔二千里哭盡哀不告而去

鹵獻先生之才如泉源萬斛隨地湧出讀先生五烈篇詩然後知爲風雅之功臣諸體俱臻其勝五古尤爲絕塵而上巳亥秋余與先生唱餞甚盛一夕分韻詠馬先生則有昂首千山失輕

蹶萬里雄之句余爲退避三舍

節沈友聖撰詩序

彙中有青山抱晚雲句當自古錦囊貯之

守瓶齋筆記

鹵讞與友聖爲布衣交使吳深自折節友聖長揖就坐箕踞狂
嘯無所不敢當所居田坵蓬蔚衡門兩版侍御出郊往訪停車
話舊一郡皆驚鹵讞亡友聖徒步三千里哭之糧盡道寒直前
不顧余與友聖交厚侍御亦以友聖之故厚余嘗三人虎邛夜
飲其鄭重之意形諸圖畫見於詩歌漢川之行惜余不能從也
吳樵邨送沈友聖漢川哭友詩序

沈友聖謂公詩得性情之正五古尤絕塵而上讀之果然雜興
云著作皆未遑名山一腐灰虞卿空發憤文字已沈埋敬對古

人書不敢自言才申鳧盟貽自訂詩選云應費十季功纔滌此
秋爽孤情不諧俗冷然標輕響斯人豈空谷卽境多幽賞街頭
市魚美莫問初結網五月晚眺云長夏多幽賞悠然對日曛蟬
從聽裏歇鴉在宿昔紛白月生空樹青山抱晚雲池塘隨處好
野綠上衣熏

龍文玉

字人如一字星讓明經
官知縣有曉巢正續集

文玉少季卽以詩名與許民部嵩瞻縱談風雅其別派亦同嵩
稱龍許王孟穀嘗贈詩曰阿龍蚤著江南錄大許曾聞月旦評
其見推如此舟行云鼓柁中流興漫乘風帆六月少炎蒸桑麻
兩岸多浮宅蝦蟹盈川足放罾竹樹籠煙屯水氣遠雲接地起

山層權歌不聽黃頭發客緒紛拏未可勝

邑志

望泰安寺偶憶語雷和尚云雷聲久已歸淵嘿禪理真何在語
言遙想語雷雷共語西天貝葉更應繁

歐陽暹

字子晉號晴淵康熙舉人官訓導有柏悅軒集華笈艸詩餘

選負詩名求遺稿不得卽零縑碎玉亦蒐訪無從節錄詩序目
誌向往

嘗論詩之爲道本於性情而歸於學問惟有真性情而詩始不
詭有真學問而詩始不浮子晉至性人也而又充之曰學沖然
穆然有遠神焉故其爲詩含和而吐則古取材師心運法以大
雅之筆寫煙壑之姿意之所在言亦因之矣言不另評而意則

可論也。讀子晉詩者，先識其沖然穆然之神，而其人亦隨以定。余非能序子晉之詩也，亦以是定子晉之人而已矣。節季麒光撰詩序

林長蒿

字中一，號盟鷗，由貢生。官訓導，有續穎藻詩集。

長蒿幼穎異，承其從父叢成指授，學問淵雅。及長，志期大成。廣購圖書，與唐赤子魏賡伯輩遞相切劘，譚文講藝，以故聞見日擴。詩古文詞俱有典型。少夢至一室，榜曰盟鷗，遂以爲號。越二十季，官彬州檢地志，有宋御史雷萬春所築盟鷗亭，蓋前定也。邑志

按叢成字韶九，康熙貢生，博通經史，尤長於春秋，晚更精研。

理窟天門魏運昌獨得其傳魏故叢成館甥世所稱賡伯先生是也

程廷材

字維楚
諸生

維楚性曠達詩文書法擅名式昔余客游鹿湖見主人故紙中有維楚詩五言如午日集飲云杯迎花在手蟲逼雨依人登陽臺山云雲衣叅夢澤水氣接滄浪秋雁云影斜中夜月聲落一天秋登黃鶴樓云絕頂盤孤雀歸帆下急湍集飲云秋惟菊花素月向酒人明七言如鶯花陌上三春夢風雨廳前一卷詩園闌小艸青無賴廳宿團雲白有情客歸霽雪揚帆日秋老空山落葉聲皆非苟作者生平與蕭崑田彭棟堂徐潛溪兄弟友善

負奇不遇竟荒鬱。目死然其詩亦竟得力於窮中。非膚淺者所能望其津溪也。楚天樵語

李祖材

字仲三號古愚自號煙波居士乾隆進士官知縣有二益山房詩癩

祖材生而穎異好讀書。卒福山潔已愛民循聲著海上。乞歸囊橐蕭然。家居誘進後學以孝弟相勗。性恬靜寡言笑。目詩古文自娛。善書得鍾王灑人爭寶之。足不入城市者三十季。詩癩自序略曰古詩三千孔子刪之存十一焉。則三百篇以外皆癩也。又何有於蘇李以下之甕瓮而癩者乎。雖然癩亦何可少也。管有癩破而鳥飛者。有癩破而蛇出者。癩非盡塊然不靈也。此可見其大旨矣。

程廷棟

號松溪乾隆進士由翰林官御史有墨池紀事居敬堂集

廷棟少好學晚益進嘗謂古人仕不廢學卽片刻餘暇當勿虛度當世以爲名言

先生詩力追唐宋大家其紀平定準夷則雄健類劉賓客其消夏則雋永類錢湘靈其和北征則沈鬱頓挫出入少陵餘或間以大蘇之豪放詩至此衆體悉備爲可傳矣

紀文達公撰詩序

消夏云亭亭落午陰昔有微風度何侶山中居松毛團曉露

涼榻

玉椀堆寒允清涼吸肺腑平生一片心夏蟲詎可語

水枕

臥看北

窗書悠然成午寢自是羲皇人不偕邯鄲枕

籐

薤葉青如染湘

紋淨欲流不知微雨過紙帳忽生秋

簟

平定準噶爾恭紀云遊

鏡天方厭貪狼衆已離萬全欽睿略一舉破羣疑肅肅軒轅駕
堂堂大將旗兩朝遺烈在皇矣正昭茲欵塞爭先附披懼感至
誠戎藩分閭寄部曲卽牙兵一氣爭魚鳥包荒是渤海王師原
不戰赫濯自聲靈共切雲霓望誰非血氣倫止戈真是武斯怒
總爲仁露布驚三捷朱干未七旬從來歌捷伐無此肅威神揮
策龍沙度恐橐蔥嶺過祥雲吹畫角昔雨洗琯戈烽火連營靜
盡漿夾道多何曾煩一石壯士已長歌塞霧連旗捲邊霜拂劍
銷旬宣還召虎淑問合臯陶庶馬榮三錫彤弓賦式朝應看麟
閣上不數霍嫖姚

林正紀

字耐閑號協五
有詩閑詩舛

子德仁

耐閑酷嗜吟詠陶寫性靈與天門魯西菴爲金石契

德仁字肫伯有景山詩稿自識倚廬等集長身鶴立襟懷遠大於世味無所嗜獨好漁獵典籍家藏異書名帖手自校讎古文奧衍曲折詩出入劍南根柢深厚著作甚富憎多徵佚

程廷棻

字敬叔乾隆進士官知縣有南傲詩鈔

子煜

棻官閩有善政學問淹博工詩古文詞

南傲以名孝廉出宰閩南縣任連江福清二邑皆閩中佳山水處所至以文學飾吏治政成事理循績日彰又於治事之暇涉水登山以豁耳目而暢襟懷昌黎有云山宰山水縣讀書松桂林誠令尹高致也今讀其詩優柔合易紆徐而不迫如水之安

流者不必驚濤怒噴駭水迸集而微風生於水面如紋如縠肯
結淪漪此亦天下自然之趣也 沈廷芳撰詩序

佳句如穿林驚犬吠隔水辨人聲洛河波靜煙光碧大陸秋深
埜色蒼仙峰曉日當軒出槎水晴波遶郭流隔岸青連川上樹
一江碧遠鄂州城匹馬衝塵來冀北孤帆帶雨出襄陽媿乏明
珠投白日空餘一劍渡黃河潮水遠浮天影碧估帆歸帶夕陽
紅皆饒有唐音

煜字暘川號旭亭貢生官貴州知府有種榕堂集旭亭篤厚天
倫所作多至性語彰德旅次晤雙峰四弟云十載蓬門別歧途
式夕親重逢無限意未語早傷神錯雜交相問倉皇聽不真慘

懷惟伯氏已作九泉人東山望海山在昌黎之東云絕頂登臨覽大荒
長天壓海海茫茫濤奔萬里飛陰雪嵐鎖千峰帶夕陽島嶼塵
沙秦歲月文章斗岳宋津梁盧龍自古邊關地作障東藩拱

帝鄉

汪特昌

字于岡舉人官教授有鶴陰亭集

于岡稱詩江漢間數十年而遺稿零落片羽珍若球璧其弔葉
忠節七古長篇先子嘗爲小子誦之今已不復記憶惜哉

漢上汪子于岡負雋才蚤慧聲譽藉甚武漢間與難兄易園接
踵登賢書余嘗讀于岡史論數十篇如大將登壇旌旗壁壘嶄
然一新而步伐止齊之法不泥古而暗與古合甚矣于岡之深

於史也已而讀其詩抑揚微婉有節有序又低徊諷詠不能釋
云 金會公撰詩文集序

岳東瞻

字超
震

春眺云信步尋春去環郊綠弋圍花香酒雨潤柳絮逐風飛舞
蜨留疎影歌鶯弄落暉徘徊溪路轉攜手送雲歸調極清越

丁松

字喬
山

喬山襟懷超逸風神清映不喜接俗客目風雅自命談論詩文
於唐慕白樂天於宋宗蘓子瞻篇章雜出皆刻意清俊論者謂
不減公安三袁歿未三十季遺稿漂沒無傳竹樵楚天樵話頗
有採錄率清婉可誦

邑志

喬山稱詩灘湖與成陞齋家白菴諸君唱蘇嘗於友人鈔本中
見其漫興一絕云安得何曾一食錢買花買酒買魚船花邊酌
酒溪邊釣不是神仙也半仙黃書邨記其七言有橋通港水連
湖水人上芝山望甌山五言有浣溪春釀酒燃月夜談天之句
楚天樵話

劉振智

字虛谷有
荆南堂詩

子象益

顧牧園觀嘗荆楚驛程記評吾楚詩人於喻石農曰雄渾於劉
虛谷曰雅健於譚白畦曰清麗皆可追蹤變雅白茆虛谷祖居
漢川桃樹澣性恬雅嗜學能文工唸詠由成均入南闈薦不售
遂縱詩酒往來荆襄間所著襄游集外有邯鄲荆南諸什無所

合因而歸竟懷才蚤逝其子損齋方十歲而遺稿散佚損齋稍
長亦嗜詩常攜所作就正於孫林庵追尋其父荆襄舊游徧搜
零章斷句付之梓

鵲山小隱文集

贈陸少府東隅云秋風謾謾楚江寒路界通衢佗尉難四十年
來雙短鬢三千里外一微官飲中佳客邀籬菊畫裏新詩托晚
蘭回首高堂雲水杳好將清慎報平安襄游道中云望望荆門
路征車晚更難風高羊角墓秋老虎牙關清磬不知寺夕陽無
限山宜城多美釀憑杖一開顏

象益字損齋諸生有頑石山房集損齋目諸生屢困場屋余客
龍岡肯得與之游酒酣情暢譚及先人著作箴佚殆盡輒爲唏

噓余謂之曰古人傳誦之句不在多也崑山片玉桂林一枝古
色幽香自有難爲磨滅者如楓落吳江滿城風雨五七字猶膾
炙人口今觀虛谷詩如清磬不知寺夕陽無限山置之韋柳集
中幾無以辨損齋詩如紅霞浸遠水漁艇橫中流不雕琢而太
璞自全

梁湖文畧

讀程是庵先生遺稿云王李悲歌後窮愁又見茲應深吾衛慮
所憎我生遲蒲邑新穉夜黃州暮雨昔生平無限意零落有遺
詩桃澥陰云儂家桃深處桃筍知幾許季季春水綠昔蕩落簞
去蛩聲云蛩聲何唧唧穉月在林杪高樓對月人坐聽達清曉

秦之炳

字謙伯號漢陸乾隆進士
官知縣有延耀堂詩文集

子敦承

之炳少穎悟從其贈君讀如源滋大好學深思嘗暑夜鈔書蚊
針盈背或拂拭之掌爲赤讀書必襲其氣每作文則以一已之
精神期與睚賢脗合官壺關與民相習如家人大興朱文正贈
句云前輩典型書卷氣秀才風味菜根香昔日爲知言歸田號
遂農老人優游林下二十有餘年

敦承字任宜號曉山官湖南同知有湘游詩鈔敦承清羸平居
恂恂無目勝於人臨大事決大疑奮發無前具兼人概遭同列
忌不得伸其志然謳思至今不絕詩筆超特其詠史二首云望
楛期止渴不如飲清渠駐足憚修途不如求安車心腹病不治
齷面將何如耳目方自蔽持肱安所舒謀豳亂况削序爵無乃

誣眷言披昔史掩卷一長吁盛夏斯有葛隆冬斯有裘桂林多
瘴氣檳榔產其邛乃知造化心補救暗相酬但恐鶴在林翻使
梁有鶯殷湯莘野聘武丁傅巖授令彼循資格賢暇安所求錄
此目見一斑

駱中渠

字心則

中渠性詼諧善清譚工書能詩詠舊劍有恩仇當酒後關塞卽
燈前之句

周士望

號斗樞

士望神明內蘊治詩古文皆能孤行已意深思窮力不肯輕下

式字

黃祖企

字書村有
蓼湖詩艸

祖企隱居蓼湖清修勤學不隨俗俯仰有詩名張竹樵謂其神
侶黃山谷嘗題其稿云涪翁宗派高千古偽體流傳總失真今
日兒孫繩祖武蓼湖灣畔有詩人其推服如此

聶大煥

字芝山號枝戈
有倚雲樓詩

大煥靜穆澹古讀書外無它嗜學無所不遠詩其餘事耳所居
安河爲水雲最佳處問詩於呂梁湖先生授以漁洋古夫于亭
問答杜門研究豁然有悟故所著以漁洋爲宗澄心獨往不懈
而及於古俗稿佚波臣爲不多見耳

懊惱曲云君不見山嵐作雲雲作雨醉抱琵琶傍花舞手擁寶

髻淚關干欲彈不彈秋風寒秋風寒花已折憶行人心斷絕客
夜藕塘閒詠云一潭秋水碧一灣秋月白楚徑暗風煙吟蟲聲
未寐甘見游魚跳妙境無人識每朝云春江望眼綠楊遮兩兩
鷓鴣浴浪每隔渚小舸青笠影一帆細雨打魚蝦映山紅云豔
豔每開剪剪風越每開遍楚山中可憐杜宇嗁成血開處亦如
嗁處紅

周

暹

字海城

暹精篆學長於鐵筆摩勒印文古逸直造秦漢與邑中陶宗白
暫東安後先齊名工吟詠攬吳山越水徜徉允黃歧亭雪堂間
與詩人相往來蠟屐破額山其詩中所云破額山前鶴一聲是

也然幾呂黃梅石氏詩獄被株連脫難後登黃鶴樓云危樓高
峙武昌城此日登臨感倍生兩岸寒煙秋欲老一江風靜浪初
平無才攔筆慙崔灑有恨擎杯弔禰衡就裏休嗟今古事凭欄
且聽落棹聲贈友云青青疊疊渺難分內有名花便不羣浮黛
樓頭荷裴客今季種得幾多雲人爭傳誦云

毛文鵬

號雲衢貢生有
鏡湖堂詩集

雲衢雅有時名頗目詩古文詞馳騁壇坫詩雅馴清澈不落纖
佻雖未能卓然成家亦如盆魚池藻具有幽致

夜步云夜靜做柴關前邨引幽步一片波光來月上湖東樹棲
鳥肯偶鳴漁歌隔溪度徘徊竟忘歸衣裾寒盈露憶母病云悔

作秋江客慈親幾日違信從燈下卜家在夢中歸夜雨沈山郭
風濤撼石磯明將買舟去望望淚沾衣憇茆亭云一逕寒煙洞
口幽松間茆屋抱泉流秋生黃葉孤村冷客戀青山十日留不
見神仙驂鶴去空聞道士採芝遊鹵風三度我來此長嘯絕峰
雲滿頭

熊奇生

字遠度康熙舉人官衡州教諭
有檢心堂詩古文集西江偶吟

奇生性肫摯詩古文詞以自然爲宗官衡州諭未至諸生聞熊
西江來慶爲指南

陳孟青

一名第楨字子敬
諸生有子敬詩鈔

子敬才瞻學富坦率無城府性善飲恒把酒淋漓縱讀天文地

理水利算數決古今成敗人物臧否觥觥然若決江河詩文雄
放俊逸論者謂不在徐文長魏和公下

過竹樵南湖艸堂云雙槩落花度南湖水拍門白煙孤鷺影青
艸遠天痕犬吠衆楊岸人過紅豆邨艸堂來幾度待月又開樽
秋行詩有板橋一水碧斜日半林黃一聯自然之趣得未曾有
楚天樵話

張清標

字令上號竹樵諸生有咏史詩劍俠
吟樵唱軒集竹樵詩集楚天樵話

竹樵少負異姿讀書十行俱下刻苦無寒暑間所爲古文詞使
筆如飛長嘯高歌人莫能測其底蘊好訂證古今人物故實於
楚中文獻尤留心考輯自弱冠爲諸生名噪藝林二十年卒父

慟其才命不偶取生平著作焚之存者數種而已

邑志

周道河讀竹樵詩集曰搖筆花生錦繡鋪飄然仙子謫南湖芝
山秀氣留餘未七百年來敵大蘇

塵霧經心知慧不再度此事者數季回思茗發穎豈昔如塵如
夢而朋輩間約爲詩課由是佳晨對客夜雨懷人拈掃殘毫覺
興態不甚憊因歎頻年枯落癖猶在是豈亦有支那結習耶宋
比玉有言檢一年詩稿冬餘之樂僕自知非詩而花春月秋僧
以排釋轡結是層層者殆有微助展曝稍暇撮而存之亦禽魚
鱗羽之愛也 樵唱集自敘

神靈臺在南湖相傳魏武破荊州昔下東吳一夕而成地志不

載此事余經此有詩曰層臺岫岬晚煙寒倚盡西風興未闌疎
樹萬家秋色老平沙十里水痕寬蠻爭鬪門終竭角廢壘荒榛
記老瞞遙望巴西丞相寺威儀猶見漢衣冠 竟陵七十二垵
有鷺湖多菱芡婦女每刺船采之余賦采菱二絕句云湖頭風
細燕雙飛湖上女兒紅苧衣采得青菱秋正晚白蘋香裏棹船
歸大姑船尾慣撐篙小姑船頭慣把橈穿過紅橋秋艸長西風
吹綠上裙腰 沔城東紅蓮關有廢樓榜曰唐狄刺史問政處
余同陳石溪_結過之有句云委節金輪豈自由一麾刺史澤南
州河山人物消沈盡落日猶銜問政樓 漢陽諸園亭推棣子
山爲第一它處多藻繪此獨呂澹瘦勝同友人酌酒石几有句

云暫慰勞薪到此來萬竿煙雨旅懷開石牀影靜秋花落消受
湖山酒一杯 杜茶邨以燈船鼓吹歌得名沈歸愚詆是歌頹
唐則大不然茶邨於區區燈船瑣事衡其盛推原江陵之當國
考其衰歸咎馬阮之秉政一篇中理亂興亡三致意焉是謂能
見其大余嘗題其後云煞尾聲傳感逝波南朝往事已銷磨蒼
涼一掬興衰淚迸入漸漸麥秀歌河山半壁滿斜陽一載南都
事可傷地老天荒杜陵叟新詞大好繼連昌何處聞歌不可憐
秦淮絲竹委荒煙傷心寄語阮司馬慙愧春燈燕子牋麗句新
詞不可刪當季一字重金銀酒酣唱徹江關賦愁絕蘭城庾子
山彩筆噓成氣若雷百金直與潑芳醪白頭流落鍾山下祇有

紅粧解愛才 川邑鹵赤壁街爲五赤壁之一余作客新陽數
過之見丞楊數十株搖曳西風落暎間作詩曰街南街北幾停
車無數叢楊縮暮雅唯有夕陽消不盡又隨蘄水上蘆花搖落
新河欲上潮鹵風吹浪打山椒憑誰問取孫曹事閒聽漁歌出
葦蕭 薊林在南湖南余嘗有句云萬絲漲晴天林斷溪光補
石徑不逢人落日響秋雨 書舍前小園半畝時時種竹偶植
枯木兩株斜豎修竹數竿紅豆種其下梅雨既過紫莖碧葉穿
璫竹樹中殆徧而紅芳牽綴之狀類屏余嘗倡豆屏詩一昔同
人皆有合作立秋微雨卽事一絕云溪碧輕紅捲滿庭詩眸合
向此中青鹵風忽送前村雨又挾秋聲上豆屏於此間得少佳

趣也 荷花渡勢狹長插水間如梭煙波環之上有棠梨一樹
蔓衍扶疎青青如張蓋鷓鴣鳩鵲之屬飛集柯葉間每月夜扁
舟過此水天澹涵全身在水壺中清嘯一聲林間宿鳥皆拍驚
起已乃沿月棹歌而還蓋天然一幅朝川圖也 同塚在邑周
陂鄉相傳爲魏武疑塚非也詢之士人實爲明藩邸藪葬宮人
處闖寇之亂被掘收瘞兩窰而封之遂目爲名余偶過題二絕
句云王氣江東已式微香魂不返舊宮闌空山馬鬣無窮恨秋
雨穗風泣楚妃荒原穗艸路層層古蹟蒼茫感廢興腸斷楚宮
金粉盡何人錯認魏鹵陵 杜巡按墓在南湖神靈臺南一里
佳城纍纍零落荆榛中不復可辨余過此有句云蔓艸荒煙紀

廢興當年意氣想嶒峻銷魂幾曲寒塘水終古涓涓遶杜陵

天門白湖鄧東籬九菊性愛竹舍前後遍植之蒼雪娟娟敲風
碎月入其室者如在渭川千畝中余雨過其地主人出酒飲竹
間今別來數載有詩懷東籬云鶉鴉鳴中寄遠心茆軒憶住白
湖陰故人終日對寒碧長嘯弋聲秋滿林 松石湖七甲庵明
陳司徒所學別業京山李中翰維楨曾往來其地今寺中德星
堂三大字中翰筆也余間過此疎竹數千竿與湖波映射射行客
鬚眉襟袖爲之綠余嘗欲以大謝白雲生幽石綠篠媚清漣十
字署之今卷中所云蚤日松門契一徑尋幽深廻川舍雨色密
竹聚春陰鶴靜孤僧梵雲知野客星宋寥人境外命意入森沉

者謂此也 張王城在田二河相傳張桓侯屯兵處南瀕小河
城頭荒塚纍纍土人掘地每得斷鏃余過游有句云塵埃何處
放青眸立馬西風弔故侯曲岸水流唐日月高城雲瑣漢春秋
三巴事業空殘壘百戰勛名有斷頭徙倚斜陽思將略空村燕

子玄悠悠

城南有燕子傍

楚天樵話

竹樵佳篇散見於自著樵話中荆湖知舊集所採劍俠吟十三
首事奇詩奇高絕千古在樂府中恐懷麓鐵巖皆未足多讓惜
篇長未能備錄錄過東嶽寺詩以備一嚮之嘗過東嶽寺觀友
夏兩足菴題額云落日澹青林獨尋前朝寺入室聞清鐘征轡
此暫憩崑虛面凝塵霜葉紅滿地遂造支公房一覽前賢字奇

絕兩足菴風霜透紙背孤蓬與驚沙標名識譚二憶管振詩壇
芳聲噪剛季林起有鍾公力張楚人幟濟南五字城掀翻如兒
戲云何異代後不免羣兒忌紫色與蛙聲餘分而閏位咄咄耳
食流謗口肆騰沸爾曹如蚍蜉何與詩文事偏枯理則然流毒
豈公意撫此擘窠書式下千穉淚

方

陶字柳邨諸生有
醉菊亭詩鈔

吾邑自鍾譚矯王李之失失之僻澁爲虞山錢氏所攻焰銷聲
息者百有餘年而友夏裔孫白畦頗復目詩名余生晚洎稍有
知識而白畦已下世竊聞緒言於其中表李雪坪先生雪坪先
本漢川流寓竟陵余嘗與論陵川兩邑賢者必舉靜峰柳村兩

先生余訪族兄海樹於廬陽獲與兩先生相見歡然定忘年交
柳村詩中齷平易不失雅音斟酌於剛 國朝之間而採其菁
華於靈坪海樹固勅敵也海樹之名方盛於皖江奔走一昔詞
客若浙人查棣史陳白雲昆陵李申耆陸祁孫暨桐山劉孟塗
懷遠許叔翹之屬朝夕曆至柳村咸與之款密

節劉孝長撰詩序

柳村以詩索余刪定以示畫水爲指一聯云病中藥餌憑嬌女
身後文章託故人蓋哭友人之無子者語絕沉痛余竟未規墨
其旁然則讀古人書艸艸繙過處多矣

陸祁孫札記

柳村近體多佳句可摘爲圖云山暝秋雲合江深夜雨寒飢寒
懸八口書劍託孤征談深涼月白酒醒落花紅還家貧亦好作

客老尤難糾日風帆低漢口連天雪浪下黃州魚龍夜靜湖天
澗蘆葦風生客夢寒雙槳搖歸孤客夢一帆飛渡五更煙百歲
難留唯少日一季易過是春風詩思白蘋江上老秋聲黃葉雨
中沉一身作客如孤鴈萬里投人況九秋交因情至常違俗詩
到能工愈憺名天涯人遠砧聲近故國音疎雁影多板橋舊夢
尋秋月石馬荒陵弔夕陽瓜蔓夕陽花落晚梧桐疎雨葉飛遲
贈別劉海樹云請命不妨當事怒卻金非博好官名

月云片月如良友相看不忍眠况逢孤館夜又是乍晴天峯迴
明殘照霜清淨楚煙何人吹玉笛聲落畫欄前送友歸省云甯
親君自喜而我獨傷神皓首仍爲客青山遠送人雪寒江路淨

花發嶺梅新有約東風在揚帆及蚤春渡人庵遲友不至云楓
葉平林滿蘆花淺渚飛秋風生浦日落日在巖扉坐待幽人語
甯知風約違徘徊明月出獨送棹歌歸蕪城云廣陵城下水空
波開府當年恨若何舉國爭聽江總曲孤城獨奮魯陽戈邗溝
夜雨旌旗暗淮水烽煙涕淚多一代忠魂留勝地夕陽憑眺起
悲歌

周

蓉

字芳村諸生有霞思閣
集鏡湖詩稿蜀游艸

蓉博洽經史才藻俊茂儕輩皆詘下之好遊覽不事訓詁之學
詩古文詞蘊藉淹雅自有機杼與張竹樵李雪坪同稱江漢名
士晚流寓天沔間多所論撰雖幽憂疾痛賞無三日計弗少輟

也詩尤富竹樵論詩絕句云縱玉詩傳雁到皆芙蓉霜冷發華
姿鏡湖堂與秋雲杳折得紅芳欲贈誰

懷李紅曉云寒雨江樓度雁聲疎燈遙夜憎離情朱門別後青
山在公子歸來白髮生驛路霖箒噎倍健孤帆漢水雪初晴關
心舊雨凋零盡爲訪城南車笠盟送人之汾州云折柳江頭惜
別歌迢迢三晉出汾河短衣匹馬中條路太華秋來風雨多寄
爰云暮雲浦樹暗津樓月照巴江水北流弋路離心催髮白啼
猿聲裏宿渝州

荆湖知舊集

讀熊雲亭憐香詞因贈歌者王香香云哀怨聲聲曲裏論春風
再到泣王孫酒鉤歌扇渾拋卻落盡溪箒晝掩門咎虞道園評

楊曼碩詩比之美如新婦吾欲移以評芳邨 楚天樵話

李先華

號棊
垓

先華爲祖材孫與兄先英

字芸閣

承其家學詩文皆中程度先英

雍容和雅先華孤峭自喜儕偶少當意者與人議論不合輒掉
臂負氣嗷嗷不已好唸咏與邑中劉海樹李雪坪秦榆村天門
甘禹門鄒白民賡唱酬和每一篇出人輒傳誦

與海樹過沙臺廢寺云零落前朝寺蕭疎古木林殿荒白雲占
鐘卧綠苔侵水止觀禪意松高見鶴心座中譚往事相與感歎
深迎水寺小憇云屋小如舟曲港鹵碧梧翠竹壓簷低捲簾鎮
日焚香坐一榻濃陰聽鳥嘯

傅

垣字野園

弟培

野園於漢唐名家無不究心而於沈歸愚所選明詩尤愛玩之乃自出手眼爲之補評令人耳目一新故五律侶茂秦今種七絕侶于鱗海叟餘體亦皆明詩中之琤琤者是真能爲其可者歟吾邑詩人首推三傅滋圃曰古澹勝南橋曰沈雄勝野園尤能參伍昆季曰蒼渾博大勝

毛文鵬撰詩序

野園詩歷落古峭淡宕猶夷又能字字雅鍊耐人尋味五律七絕尤格高調響感過云採蘭湘水濤寒杜沅江浦將以遺所思洞庭渺煙雨朱顏漸已衰新粧日已古歌喉停雅音長袖謝妙舞涼風滿空谷含情獨佇元宵寄懷春谷云瑤臺玉盤月飛

出碧山岑朗照棋枰樹寒香徹滿林美人期不至良夜托高唵
欲取清琴餘相思空好音聞笛云美人凭畫欄玉笛弄高秋
片中天月清光若爲留我情亦何遣歸夢渺難求消息經年斷
征途阻且修蟋蟀云蟋蟀依庭戶長鳴若有知誰令催我老故
作此聲悲露冷風驚竹更深月在帷鳴機人已去遙夜繫相思
鶴樓同春谷作云黃鶴仙人鶴高飛不可求武昌城上酒醉殺
楚江秋笑彼青蓮客空爲此地遊唯予多逸興唵嘯幾登樓中
櫓登黃鶴樓云碧落清如洗荆南一片秋飛來滄海月朗照大
江流羨彼武昌客酣歌黃鶴樓高朋吾不與深負此豪遊太白
樓云騷人謫去千季古江上長傳太白樓造物生才多不偶登

高有客又悲秋雲邊雁影當牕出天際濤聲抱郡流惟愛郎官
深夜月清暉依舊侶前遊重渡洞庭云老大飄零類轉蓬頻年
涉險悵途窮重尋秋艸湖南渡又逐隨陽塞北鴻一葉扁舟凌
浩渺九疑煙岫寫空濛天涯多少傷心淚遍灑湘雲夕照中題
清風處士魏閩先生故里碑云開國文章盛楚荆何知艸野有
先生甘隨牧豎爲徒侶從此煙波老姓名人羨一窩存夜氣自
希五柳見深情百季桑梓豐碑在披拂高風夢亦清喜雨亭云
寒月影荒鹵風乾獵獵廣庭宋無人空階下黃葉汝墳橋云北
月明風瑟瑟木落水瀟瀟數聲南去雁人渡汝墳橋閨詞云北
堂樹萱艸花開清且幽儂愛是宜男郎說是忘憂聽簫圖云綸

巾羽扇妙英姿會見周郎顧曲昔一種風流真絕世玉簫親教
美人吹舟中夢堂東甫云一櫂凶風動客愁漢南回首正高秋
雁聲遙落三湘遠獨臥滄江古渡頭舟夜云沅陵灘上水淒淒
露重風寒月易低一卷離騷吟未竟空山無數夜猿嘯馬鬼云
妖兒應運亂皇唐環子羅衣赴國芻翻羨漢家真禍水安歌赤
鳳在昭陽秋柳云春風曾記舞纖腰掩菴長橋復短橋一自攀
條人去後白門煙雨共蕭蕭月夜藕湖口占云湖蓮搖曳舞凌
波夜色蒼茫認素娥十里風來香不斷滿身涼露月明多

它如觀海日云雞鳴萬方曉潮抱一輪紅對雪云擬問梅花訊
開門雪滿林餞別云白社多情宜醉酒清明有客欲離家蘆雁

圖云鬼國秋風稀雁影蘆花淺水憶湖鄉登黃鶴樓云天地多情吾獨老古今同夢客空忙奇警語妙目揮灑出之

培字臨川號滋圃有玉森堂詩文鈔三傳皆有詩名楚園自首屈一指求性情之真摯則莫如滋圃送楚園之鎮遠云黔東是我會遊處今日輕帆爾又過叅老弟兄當遠別臨歧涕淚各悲歌水連湘北風濤壯地接滇南瘴癘多回首天涯兒女小官齋歲月易蹉跎懷南橋弟云羊腸鳥道費攀躋萬仞青天望欲迷五載歸期何日是秋風秋雨劍門西深知滋圃之詩者當自余言爲然也

均字成未號南橋與兩兄垣培俱目詩鳴人比之張景陽昆季

幼善病工愁可吹而儻也及與二三快友登山臨水忼慨賦詩
有擊唾壺舞鐵如意氣概詩喜崆峒然其冲澹之佳意穆如也
課姪云嚴霜被廣隰簾櫳風蕭然篝燈昔隅坐所服聖人篇奔
景無停息昔序易代遷茲苟耽嬉樂亟自奚所先唯爾努倚途
勿負綺華率天際有黃鵠高舉凌雲煙送華亭之吳下云鹵風
送客雨連宵江上孤舟正宋寥曙色微分瓜步樹寒聲秋擁海
門潮刀頭樂府悲歌裏白首班衣涕淚遙越水吳山千萬生憶
君東望幾魂銷蛩聲云蛩聲何切切不斷髮深處夜半寂無人
殘月在高樹

湖北詛徵傳略卷十目錄

漢川

國翰

李蟠

張廷蘭

程燾

周若鴻

秦敦原

林祥紱

林祥翥

林祥龍

宋德銘

銘珊

方塘

萬方膏

銜賢佑

子鼎斌

張山沂

林維昌

吳吐鳳

陳第聯

王兆麟

張鐘

秦篤輝

弟篤新

宋紹琬

王文壇

陳衢

余世楠

釋海聰

釋彼岸

湖北詩徵傳畧卷十

漢川

孝感丁宿章星海輯 子彝校字

國朝

李

蟠一名焦字子根號雪坪白
號滄浪客有雲帶樓詩

蟠父詮字登三生蟠於軒轅故里因名軒轅生少聰穎能發十
七葉所藏笥幼從父官名噪吳越間爲王白齋錢坤一稼軒諸
先達所稱賞由上舍生同陳墉管嵩兩應 純廟南巡召試列
等賜純綺放歸日與長白佟樊圃春陵周薇垣吳興孫在郊見
陵趙斗南守誠一之學瓣香青田餘姚詩文取左國莊騷班馬
韓柳而已性嗜游涉厯官幕足跡半天下僧箸運籌悉中機要
倦游歸率邑中周蓉劉珊傅垣培弟兄李先華天門譚蔚齡熊

士鵬馬鈞允致遠昆季相與鼓吹大張楚軍皆隨園之敵方熾
學者競譚性靈幾如公安之滑稽蟠獨持大雅不爲吳越波靡
論者趨之晚僑寓天門之葑江學詩者爭攜酒造之劉清夏儀
胡鼎臣張其英輩藝爭上流實蟠爲之倡父官嘉松著能聲性
耽風雅以事謫德清主簿自號九品漁官嘗謂蟠曰吾爲廉吏
貽爾以清白足矣蟠詩酒自高窮而不悔者皆乃父教也嘗夢
黃秫人以鏡撲胸曰子前世栽耆老僧之居紅曉者當守宋勿
妄干塵累因又自名紅曉云著作等身多隨手散佚其詩文尺
牘外有吳越舊聞蝶夢樓麻源飲勺餘談灌園私語日暇紀聞
雪地讌語一塊勢鏡中人影桂海新聞葑江鼓吹志三澁困學

錄精衛口中石凡十餘種皆藏於其姪兆慶及弟子羅家毅家
雪坪蒔江竹枝云北船莫下上三灣南船莫上下三灣三灣盡
是回流水挽住郎船不放回遊粵西採其風土剋爲桂枝橘枝
二詞傳誦於昔風調不減老鐵

石樓詩話

佳篇不能割愛摘錄之古人選詩亦有此例五律前半如望湖
樓云唼上望湖樓輕波捲素漚山雲欲沈暑湖氣已更秋柳溪
云艸色沿溪岸春風綠到門小橋橫卧柳流水抱斜村范蠡山
看桃云越鳥高飛處吳儂放櫂歌桃萼開自好鹵子艷如何釣
臺云眞王才用假國士已無家古釣一痕雪荒臺數點雅舟夜
云黃葉散孤村人家傍晚晴菊從霜後艷茶試雨前清靜坐云

幽箒團戶牖。埜鳥蹴庭枝。雨密香煙細。風清几簟宜。答壽山都
統云。漢渚舟維夜。秦關札到時。將軍原好武。治世且論詩。又最
工。翹筆如楊花。云作雪原無意。乘風豈有因。春風云春風如故
爰歲歲到貧家。贈爰云相逢但一笑。不必恨交遲。山中尋縣云
山冷泉聲。柴林疎月影黃。又野橋尋不見。茆屋半開。昔桐鄉晚
泊云。渡喧知市近。山聳覺城低。江亭云。日正無斜影。亭高壓衆
流。又警句云。雪深聞犬吠。風急落飛雅。黃葉鹵風路。故人前日
歸。一官山水縣。終日翠微居。孤踪驚歲晚。百感集秋聲。七言云
竹樹交花迷。午蛭詩歌雜。瑄門春鶯秋。風雁鶯催人。過落日覆
鼉。挾浪來帆允。遠趁江流出。雅背斜翻日影。回岫來恠事。書空

過屬有名言繫我思弋季離緒生香艸二月春風送美人等句

比之安石碎金不勝拾取

襄陽陷

遠祖諱倫守襄陽屢戰城破死之時人鮮有表揚其事者

云襄陽陷將軍死白骨亂

堆冠蓋里真假何從辨人已

子孫求屍不得

千載孤忠恨未伸英魂夜

夜飛青燐節短音促雅近樂府

物園詩話

踏青詞云梁褒城上艸芊芊梁褒城南春可憐寒食清明看又到紫簫吹徹綠楊煙藜臺嶰嶰俯迴廊蚤見遊人到上方一簇紅裙開笑口滿階風遞麝蘭香駿馬高乘白鼻騮春衫葉葉映朝霞衙逢火伴踏青衣祇在橋鹵賣酒家水酌山觴到處宜筍與春擁萬花枝香濃日午陽臺路樹樹珍禽叫畫眉皆可云無

窮出清新者雪坪一號白鹿山樵蚤歲足跡徧江南近乃絕意
仕進築室城東隅數椽蕭蕭僅蔽風雨過東城者嘗聞唸誦聲
性孤潔年廿餘妻亡不娶有朱桃椎牧犢子之風詩清婉近中

唐人

楚天樵詩

北固樓云階閣攀林興未休茫茫吳楚此登樓微雲捲雨來京
口落日颯允見秦州城郭對分南北限江山合抱古今流仲謀
往事無人問鐵甕笳聲起暮愁題畫云客去陵陽幾歲還遙從
畫裏認荆關片帆斜日江流穩閱盡南朝謝朓山秦淮雜詩云
重訪笙歌事已遙六朝遺蹟暮蕭蕭傷心最是秦淮柳零落西
風舊板橋邯鄲芙蓉詞云結縮同心死誓盟琵琶聲斷淚頻傾

門前一種相思艸又向王孫去後生武昌雜感云蒼涼石磴路
紆迴孤堦鐘風眼倦開弋種洪山山下艸青青上楚王臺舟
發隆中云書劍飄零感倦游有家不住住襄州已甘壯志消塵
壤又向深山拜武侯將赴炎州與白晧別云擊劍高歌酒滿觥
嚴裝短後促登程醉中不解親離別策馬河橋聽鴈聲

張廷蘭

字春阜諸生有
白稞山館詩集

廷蘭夙根芳潔學力深至故其爲詩纏綿悱惻得詩人忠厚之
遺東南名士多歸之性好施與周恤寒儒不少吝生平繩經切
傳出風入雅未冠補諸生爰愛昆仲老而彌篤中季失明構白
稞山館論詩學盛衰敘說古今傳人本末無敢牴牾者年七十

餘病起口占云庭空餘落葉客別倡秋風遂卒所著經法梧門
顧劍峰熊兩溟劉海樹諸名宿序行之

二河有二張訪石目道學鳴春臯目詩學鳴所學不同而與余
皆莫逆交漢川自顧質夫後往往多詩人然皆不如亡彛傳野
園野園有清才而多窮愁輒鬱鬱不得志走隴蜀汎沅湘抵牾
牴長爲幕中客所過各山川尋古騷人遺跡觸於懷發爲謳吟
類慷慨悲壯之音目故春臯讀其詩而好之詩不專名一體應
邑孫林庵吾邑譚白畦詩名噪一昔皆余切磋爰林庵目神韻
勝白畦目風骨勝夫各有所當也春臯天資高人力亦至出入
諸家故能備其體而精其詣且夙根清淨喜遊山水好結交海

內詩士詩士多歸之傾筐倒篋卒無不如意而太是以交益廣而學益富也節熊兩溟先生撰詩序

西巖云晨起做禪關汲泉寒可煮昨夜西巖雲徹作前山雨緩步出松林溪橋逢僧語煙中鶴驚飛落葉響隔浦西巖與諸子訪圓桐道士不遇云西風捲黃葉秋氣滿空山廼與二三子來遊雲水間古松盤谷口飛瀑繞禪關問訊燒丹客疎泉夜不還寄萬鶴峯云晨興蓬戶掩涼意在庭柯落葉前階滿秋聲昨夜多故人隔溪水詩思寄煙蘿曾有黃花約鹵風策蹇過九日雨中李桂山至云飢寒驅客出悵悵向天涯老大誰堪此飄零恨有家秋風吹白髮別淚灑黃筍相勸且歡飲不妨陰興賒憶願

春田云管季悲作客今作客尤難抱病辭江上還鄉正歲寒嬌
兒商藥裹老婦整衣冠何日重過我一尊追舊歡小別山憶故
子云隔水幽人宅依依碧翠間白雲棲半嶺黃葉響秋山竹杖
前季訪柴扉鎮日關何當共風雨尊酒好追攀寄熊斂山山左
云茲行豈君意白髮別鄉關記里三千外驅車齊魯間暮雲連
海氣旅雁斷秋山兒女燈前卜征人何日還還舊宅示丙云
從秋水漲八口寄輕舟繫纜門前柳移家郭外樓肯余客江漢
賴汝善綢繆三載幾遷徙安居今可謀晏起云晏起柴門敞觀
漁就石磯前溪黃葉滿昨夜故人歸水漲魚蝦賤秋高雁鷺肥
隣翁招我醉好訪竹邊扉陳三洲下第復之施南廣文任云一

囊煙雨客初還幾日又辭江漢間我唱驪駒迎祖道誰憐姓字
落孫山滿天飛雪孤帆去薄宦飄蓬兩鬢斑祇有雁聲嗷不歇
相隨君度夜郎關題畫云白雲空谷飛依約辨喬木竹裏颺茶
煙人家住寒綠舟行云舟行夕照中山氣墮湖水昨夜雨濛濛
溼雲飛不起送吳子靜之洞庭云木葉蕭蕭下西風萬里秋雁
聲嗷欲破客上洞庭舟訪陳棗邨云之子幽居隔幾邨尋詩只
在水邊園平槁轉處溪光冷弋路縣箬開到門

白鷗山館集俊逸超羣美不勝收如雙袖西湖雨一囊南海雲
山月浸衣溼風泉入韻多夢還兼鶴冷詩自入山清石湖足煙
雨秋水散鳧鷗落日一揮手鹵風萬里秋野花紅到嶺淡水綠

於天亂雲堆屋角一犬吠桃花落葉響疎雨荒臺生暮煙鶴有
歸山夢雲無出岫心皆名句也

程

燾

字子壽號普庵太
學生有壽培集

海樹太守題程普菴上舍七律二章有才華未盡逢奇數歌泣
無端出至情負才不偶可概見矣

普菴詩曠逸疎宕不懈而及於古寄野圃云去歲歸家日憐君
憶獨深難諧今世俗長抱古人心秋水弋爲別春風不可尋清
貧知更甚惆悵寄高唼滎澤渡河云匹馬來滎澤長懷易水歌
大風吹廣野白日下黃河氣勢三韓壯煙雲雨晉多乘槎天漢
外誰識客星過聽繆十彈琴云伯牙臺畔雨去歲漢江陰中散

琴中月今年湖水溥悠然一再鼓獨坐短長陰露下高天淨蕭
蕭楓樹林書岳忠武王傳後云指日燕雲掌上收英雄捍敵費
深謀可憐痛哭金牌日猶是蒙塵玉輦秋霜露空驚河北地煙
花無恙海南樓飛禽未落良弓盡三字寃成萬古愁

周若鴻

字雲門諸生有無無集
迂鳴詩鈔詩柄題要

若鴻詩文別出機軸歌哭嘲笑離奇恣肆人或目爲癡遂自
號著佻甚富晚年多入禪悅

癡翁學衛有得心地光明所作似不甚著力而思清理愜自然
沁人心脾醉後喻諸佻款覺有一種邁往高逸之致溢於楮墨
之間

醉後唵云醉而求其唵胡取乎醉哉醉而猶能唵何目爲醉爲
醉前海水泊醉後玉山頽醉來天地濶醉去日月微劉伶酒中
帝伶非吾所歸既醉而不死不死其可追古意云虞仲翔有何
罪禍正平偏不悔天公每待才人薄禍福予奪失真宰嗚呼有
才不遇不如死化伯雷霆走江海枕上口占云夜長愁不寐人
靜鬼無語瞬息等百年式夢隔今古功名都在奈何天衣食全
憑小兒主丈夫胸懷不得遂彭祖之季終何補有感云淚盡從
何哭傷心歎白頭文章憐少壯兒女滿窮愁好俠今翻悔知人
古所憂平生多少恨都付酒千甌穉夜云孤館青燈暗復然行
唵坐起小堂前季季唱盡秋風曲不是寒蛩便是蟬夏夜云愁

海茫茫深治愁安有藥未到仙家境詎知仙家樂二億三萬里
安身恨無處欲問去昔境莫覓來昔路夜坐云上旬月在天下
旬月在海何如衆星燦夜夜光不改它如吾身哭巢許舉世笑
夷齊無人肯餽祛愁酒有客爭傳落第詩等句尤奇警可喜

秦敦原

汴宋故宮云道左荒蕪問故宮故宮何處杏簷紅黃袍日月天
庭上白馬山河地勢中南渡金陵無王氣北來鏤甲有悲風六
師從古張皇策能戰澶淵幾寇公

林祥紱

字穆堂號軒臣嘉慶進士官
知縣有西谿詩文集吳敏

祥紱學有根柢及官河南勤敏廉幹治績懋著姚方伯祖同倚

以爲重書陳利弊多見施行方伯去自知耿介不合於時遽謝
病歸

穆堂秉姿古質篤於孝友處世無逢迎不修邊幅常落落寡合
遇知己歡若平生事無不可對人言自幼隨其尊人魯齋先生
館於鄉塾晝執炊夜授讀年三十補弟子員旋舉於鄉閱十八
季成進士其間僅兩上公車率皆以館穀往來江漢間課徒暇
肆力經史窮年不倦其學以醇

截蔣丹林撰詩序

摘存佳句如人聲鳥語依天近嶽色河聲動地來白髮愁人逢
九日青衫誤我已三年冬早已枯連隴麥春租猶索賣兒錢却
憑囊底生花筆賺得床頭買酒錢暮夜黃金揮手卻春風三載

向人吹綠酒堪娛遲莫日黃金難到子孫豈大疑太決韓忠獻
讜論無阿陸敬輿民命一肩增負荷鴻材八面識精神軍中有
日驚韓范天下無人識馬周

作者詞高意遠秀韻天成七律有許丁卯之長而沈鬱警策尤
過之朱仙鎮謁岳忠武王廟云小朝廷勢竟難支頑鐵應羞鑄
太師萬里長城原自壞弋家冤獄有誰知壯懷欲遂黃龍飲遺
恨空餘白雁悲廟外年年風雨後但聞逐虜控弦馳畱別孫蘭
陵云誰於洗垢求瘵後憐此飄蓬斷梗人失路情懷知我拙干
雲意氣感君真非關驥尾名先附自媿猪肝累已頻住久渾忘
身是客每逢南望怯風塵寄懷姚亮甫方伯云卽論宏獎英才

意已是人間第一流報 國久欽師稷契及門誰敢慕巢由天
連霄漢慈雲遠地近江鄉野水穉自念莊荒慙陸氏朝朝引領
伴閒鷗光武故里云三尺親提帝尊赤眉銅馬盡紛奔涼宵
冰合知天授多士雲從感主恩遼豕稱奇嗤安子井蛙欲逞笑
公孫漢家王氣今雖盡白水環流尙遶郵金陵舟中夜雨云東
風吹雨楚帆開添得江濤欲鬥雷雲鏢千峰漁火暗煙深十里
夜烏哀巨魚空有凌波志詞客曾無作楫才挑盡寒燈更漏永
來朝起上鳳凰臺陰后故里云果然嫁得執金吾艷福生來已
自殊况是真人親授冊昭陽新寵六宮無漢臣猶自重糟糠貴
不易妻何慨慷馮鄧惟知攻戰策未聞故劍說宣皇

林祥翥

字冷江有秋
萃閣詩集

祥翥風神清映大侶晉宋間人中季流落不偶乃自放於酒瓢
歌扇間一時忌才者幾欲操刀而刺之而文章之氣不稍挫余
嘗見其書懷一詩云柴門靜掩長翁虛麻苧瓜蔬半畝餘小院
老親常卧病閑堂深夜自鈔書水知人意來茶竈花慰晴時開
索居回首從前啼笑處竹風松月淪邛墟坎珂潦倒覺滿腔有
一愁字嗚呼此何減聞清歌喚奈何也

楚天樵話

譚自睦曰冷江流落不偶詩酒自放酒鉤歌扇之間而造詣益
深

林祥瀧

字豈潛有
暗水驂吟

六言詩卷之四十一
一
祥龍自號染柳居士隱邑之梅澗湖蔬食閉關與張竹樵萬艸
簾輩長嘯高歌無間晨夕

染柳居士隱澗湖中高處築艸屋兩楹四圍帶水畧行橫之
約頭蔬菜數畦爲客至佐酒具林深處艸堂在焉衆綠紛披溪
雲淪淪來几榻炎日無溽暑氣環岸植芙蓉涼秋花發望如荼
林嘯咏其中略不問世上事 楚天樵話

宋德銘

字警堂諸生
有轉蓬吟

湖隄月云湖隄月光皎潔三五夜圓又缺圓如遠客初歸來缺
如游子輕離別我因貰酒醉高樓對此明月涼新秋不管月圓
與月缺金杯唯消無限愁愁無限光一片殷勤問姮娥一年幾

蘊無盡有明高袁李何諸子不滅三唐近唯海樹此體得唐賢
三昧如折柳枝詞云青青堤上隔征塵折取新枝贈遠人亦解
長條羈不住要君知是故園春漢宮求仙謠云五柞深宮夜乞
靈冰函璫笈費了甯穆王池上西王母又控青鸞下漢廷前代
遺音于茲未墜符保森寄心庵詩話

滂樹詩清於雲伯艷於梅史嘗以迎候長官一夕成紅樓夢小
說八韻詩二十首余惜其無可著錄爲摘記數偶病中斷指甲
云斷箏銀甲卸殘綾翠裘孤笱折麻姑爪桃香細骨臞鸞韉搔
不著鴻雪印全誣東風壓西風云柳梢眠上下帳底門雌雄池
水干卿綠桃鴛爲底紅我憐聊復爾婢學可能工不競南猶失

其涼北又同芙蓉女兒諫云碧落新碑樹沉香小像薰野棠寒
食祭春艸玉人墳徵引不及稗官故非尤展成輩所及 海樹
一家婦女叢耽吟詠女弟二歸蔣氏者名苙字絮庭歸王氏者
名蘭字紉秋蔣夫人贈五真詩云小閣春寒夜色分傳來佳句
澹如雲煤鴛今見亭亭格悔讀蘇家織錦文賦茗簪花絕世姿
式門風雅竝堪師春官儻許蛾眉選不揄應看上第昔王夫人
云燈前倦繡漏聲長踈影窗橫月色涼那用鷓鴣班重撥火新詩
讀罷有餘香披卷終皆不忍拋芳容未覩已神交相逢若話瑤
宮事記看瓊花第幾遭女公子三韜字鸞符韞字小絮韞字霞
裾皆讀書臨帖與兌貞善

陸祁孫合肥札記

過香爐峰云萬山環蒼翠茲峰獨秀挺倒攝大江流飛瀑挂松
頂懸知白雲深林巒畫虛迴中有仙人居九天聞欬警空香自
縹緲天地無差等不緣鐘磬清塵夢那得醒颯颯御長風此心
趁畦町卻顧翠微巔逸興滿煙艇龔芝麓尙書故宅云十笏荒
園水石枯尙書門第有嘯烏東林已種清流禍南國空將大雅
扶卧閣賓朋愁齒蒼眉樓夫婦媿蘼蕪中閨代受鸞封日曾憶
當年錦褥無蕭后粧樓云遺簪斷臂奈愁何誰問當年菩薩哥
秋艸平原三百里野花開徧曼陀羅

荆湖知舊集

海樹癸未入覲余從扇頭讀其和張紫峴白門衰柳絕句三十
首及回穎任不數月病卒未非機之先見者歟爲節錄云知是

淮流是淚流年年畫出白門秋
惟它一樹絲絲柳縮盡西風六
代愁衰艸斜陽問御溝當昔
銅輦畫衾秋臙脂井畔桃花水
尙向垂楊綠處流
桃葉江頭拂靄航無情吹得
碧天涼南朝此是風流種
生近煙花又帝王小玉楊家
最瘦肢簾櫳一望夕陽遲
瓦卮聲斷黃昏月嬌倚鈿床
學賦詩紅牙紫玉罷仙謳
小字靡蕪託俊流莫向見家
重問姓氏枝空傍絳雲樓
靈修宛在夢初醒百寶緘箱
靈粉零莫更流鶯啼不住
桃萼扇底有人聽秋風重見
鸞絲凋打粟還來皂莢橋
多少愁心上樓角江潮同至不
同消 卧園詩話

五七古選聲作色華艷動人律詩使事典切琢句渾成而神韻

又極高朗氣調才力不減於唐七絕蘊藉含蓄實稱絕調其挫
節萬有窮極工巧而仍歸雅正不落纖佻是非有真才力真境
地何能望其肩背洵乾嘉以來吾楚稱詩之一大家也古體長
篇概不能錄朱孝子墓樂府一篇尤兒昔所習誦者錄之以例
其餘云朱孝子墓 并序 孝子名壽昌宋司農少卿七歲失母棄

官入秦中得母於同州迎歸終養今孝子墓在天長秦欄里云

兒有官兒無母兒無官母有兒兒無母兒何有 式 父守雍州出

兒母劉行年五十斷酒肉兒有涕兮不敢流 二 父在母不歸父

歿母當返蒼蒼者天父兮母兮兒罪莫道 三 棄官入秦與家人

訣 本 兒母不還不歸兒骨天遣之同州黨家有母髮如雪嗚呼

昊天忍教母與朱氏絕

解四

彼石嗟嗟彼河湯湯天驚地笑兒今

有孃

解五

養母判河中侍母逮諸子母歸終年兒事畢矣

解六

鬱鬱

松柏枝孝感白鳥集嗚呼鳥頭白昔母始歸鳥知返哺兒徒泣

解七

孝子居秦欄里慈母終孝子死熙甯初太史紀至今白鳥啞

啞飛且鳴千載如呼孝子起

解八

病小愈漫成云北風吹雨過枕簟落秋聲小院桐陰合涼雲滿

地生道心孤鶴去病骨一蟬輕誰遣幽棲客終宵對短檠秋歸

云秋色忽如此門前落葉深蹉跎遊子恨慰藉老親心新雨蟬

聲足斜陽雁影沈不應怨遲莫流水自鳴琴山海關云天險重

關閉將軍鼓角愁萬山爭虎口戈綫畫鴻溝海日翻旗影邊雲

鏢戍樓平生經此地脉脉視吳鉤贈廖鐘隱大令

大開

云與子

復何計論詩千載心西風吹酒淺涼月照譚深秋色此天地江

流無古今當肯徙獻賦不必慨升沈題王柳村

濠

詩集爲五十

壽云之子慕高潔無絃獨抱琴泠泠大江水千古空秋心楚鶴

下天際涼雲歸素襟吾生有幽契相賞結苔岑寄靜峰柳村兩

丈云累月不相見淒其秋更深殘陽影孤塢片雨過疎林何處

一聲笛吹來空外音湖南煙水濶莫是老龍吟榭影云未到空

朦月上扉已傳消息付斜暉江風零落吹羌管海色蒼茫罷玉

徽帶子波心離復合夫人帳底是耶非五更霜重殘鐙落囑與

多情緩緩歸尋來籬落又橋邊記取銷魂只偶然名士枕流長

對語美人臨鏡自相憐
祇應夢蝶能消受
賴有泥鴻共渺綿
無限江南離別意
一封空寄隴頭煙
孝陵云亭長還從泗上遊
布衣真見控神州
龍蟠一掃齊梁迹
狼跋初忘管蔡憂
菹醢威深
諸將冷槽糠
恩重六宮秋
百年養士終收報
不爲滄桑總涕流
揚州云
垂柳深深綠滿城
依然涼月二分明
六宮穉雨繁華夢
一覺春風薄
伶各不信美人皆絕世
可憐天子最多情
竹西亭外銷魂處
夜半空聞玉笛聲
弔故城
陽穀贈張海樓孝廉
慶瀾
云
淮浦秋風一棹過
寒水九日渡黃河
蓮花幕底將軍揖
桃葉江頭大令歌
握手遂忘傾蓋久
題詩偏爲倚闌多
少年我亦悲孤露
忍共天涯誦蓼莪
與金桐軒大令
德榮
云
雙扉白板少人

過簾影鑑香冷畫又三月東風愁穀雨一江春水夢桃花新交
愛是能詩客故態微蒙顧曲家芳艸欄干閒倚遍幾曾重與拍
紅牙琴箏詩云莫愁搖落老江鄉生是多情戀夕陽天遠未妨
人寂寞秋深不覺水淒涼盼誰同夢惟沙雁解共傷心是海棠
無限孤懷待閒訴祇餘殘蝶瘦飛黃又句云人影浣紗秋欲語
笛聲吹雨水銷魂秋教晴晝搖風露天助斜陽媚水沙背人鷗
鷺招孤賞特地蒹葭證畫禪暖炕云被池香暖小游仙不倚熏
籠悵獨眠枕畔黃粱真可熟懷中碧玉定生煙春回慣戀將離
夢酒醒能溫欲曙天如此卧薪計良得越王甯爲美人憐沌陽
寄內云沌陽春釀一江寒白袷腰圍帶漸寬忒種東風楊柳色

可憐憔悴倚樓看重過虹橋雜詩云瓦堆誰識舊迷樓便有東
風只似秋綠漬寒冰溝水淺可憐無地着涼鷗頹雲薄日淡離
披添寫蕪城鮑照詩腸斷揚州舊司李祇今誰唱冶春詞偶題
云柔柔春膩剪刀聲黃土牆欹蜺鼓明煞是雨餘天更好夕陽
紅得可憐生紙鳶風緊峭寒侵細艸如苔綠未深畫雨畫晴都
不是最難着筆是春陰題孫秋田畫云岫雲疊疊水潺潺黃葉
蕭疎式逕閒着過詩人懼怕我料應不負畫中山白秋海棠云
式簾秋雨破黃昏冷艷深心浥淚痕紅斷欄杆芳艸歇絕無人
倚更銷魂其它如板橋春雨滑野店杏花寒月隨人影去秋帶
雁聲來江山消短髻風雨罷長歌新柳云夜雨初歸如別久春

風無故覺情深落
雲客初有夢愁寒食春漸無心戀酒旗流
水送歸清淨域春陰做盡別離天
黃河云秋高星月無留影春
老風花有斷水做
雲幾度荒村權貫酒十季孤館僧爲衾皆
集中奇警之句

方

塘

字二山初名新
有漱玉軒詩鈔

塘有雋才侷儻不羈遇鄉先達言訥訥若不能出諸口昂藏磊
落不諧塵俗冠後游京師涉伊洛走長安往來齊魯歸補諸生
好爲韻語不喜制藝唯杜門恣情吟咏與邑人劉海樹宗人靜
峰柳村輩爲忘季交徘徊江漢覽黃鵠鸚鵡諸勝境憑弔感慨
賦詩益夥天門熊士鵬稱其格律風韻幾乎入唐賢之室卒

無子女歸天門胡氏攜其遺稿藏之妻程亦能詩閨門燕婉間
筆墨唱隨其遇雖窮其福實不淺矣

萬方春

字藹如
號碧山

方春爲人清謹和易與物無忤弱冠喪偶不復娶中年家益落
布衣蔬食晏如也能詩善八分書工繪事老而彌健白髮朱履
望之若地行仙預知死期召故舊親知共酌爲別把杯一笑而
逝兄方青名人敵字艸簾嗜學能文善諧謔詩歌清逸天門熊
士鵬嘗稱之

劉賢佑

號自天諸生有
頑石山房稿

子崇斌

賢佑工制藝敦內行詩不多見樸茂如其爲人

枕上口占云擁衾瑟縮等棲雅風動碧窗竹印紗一種寒香清
透骨古瓶新插凍罌鴛白桃鴛云風前有淚偏含媚月下無言
亦可人蕉云學書書未就蕉已種盈千一葉橫朱檻餘陰滿綠
天不留斯世夢祇了此心緣半夜寒鐙雨那堪旅客眠花影云
午夢喚回風定後香魂扶起日斜昔柳絮云可憐放蕩如僊客
畢竟光陰屬莫天落得云往事戈場春夢醒玉顏幾見管人非
崇斌號春舫諸生有桃澥集官訓導性澹泊嗜學以勞績得官
不赴卜居桃樹澥栽鴛飲酒以自娛詩俊逸憎微佚不多存
對月云西窗燭剪詩纔就北海樽開酒正濃醉問銀蟾誰放入
雙鉤不待捲簾重雜興云青青園中柏枝葉經冬茂霜雪不敢

欺永保千年壽君子處危昔如瓶口自守節操苟云堅榮非因
袞繡勿哭阮途窮自樂顏巷陋何目寫我心瑤琴昔一奏

張之沂

字白菴竹
樵從弟

家白庵之沂欽崙磊落陳同甫一流人也癸酉辛亥兩上書京
師皆不就目悲憤死士林憐之詩蒼莽如其爲人惜遺稿散佚
無從搜輯記其山居云一百畝田堪飯飽三千柯樹聽鶯鳴門
前蛙鼓三千部壁裏哀蜂房十二樓感事云天有精靈誰善鍊昔
無英俊汝成名讀樂善集云千秋闡道風雷手四海知心艸澤
臣哭玉鳳云青衫皂帽天難問白骨秋風爾奈何此例數十句
具有李崕峒秋笳曉角之音

楚天樵話

林維昌

字鹿瀨有鹿瀨詩草

鹿瀨精制舉業有聲於昔長入華嚴魏氏詩社聯吟唱酬明經
廣齡極推服之

赤壁懷古云危崖壁太大江頭厯盡興亡供勝遊孟德三軍傾
戈炬坡公兩賦重千秋子規嘸血增山艷烏鵲悲鳴帶月愁戰
罷焰銷成往事愛尋遺跡得淹畱古直悲涼雅近崕峒

華嚴詩
蒼

吳吐鳳

號東臯有東臯詩草

吐鳳居瀕竹筒河姿慧絕人自經史子集下逮九流百氏書寓
目略無所遺爲長短歌詩操觚太就老師宿儒無敢與鬥捷者
其絕句尤有奚賈張謂之風晚以聾廢吟詠季近九十預知死

期卒

東臯姿慧絕人老而病耳復善聾詩工絕句五言如登高云置
我孤峯上雨雲生下頭長天橫一雁何處不驚秋曉起云晨倚
竹牕前靜中傳細響濛濛煙霧生一鳥夢枝上七言如登樓云
柳衰桐敗滿林秋鄰笛聲聲喚客愁明月清風江上好不堪人
在異鄉樓贈山叟云閒採松花履石苔雲煙長日鎖山隈不緣
鶻辦隨流水那得尋幽到此來

楚天樵話

陳第聯

號藻亭有
及餘詩艸

第聯善屬文屢躋棘闈蕭然自放其抑塞磊落之氣恒發於詩
劉海樹孫林菴方柳村輩皆推服之

過甌山訪顧翠農居不得云十里陂陀路四圍楓樹林吾生自
蓬轉此日又秋深埜店開山塢人家傍水潯彥光宅何處漢上
憶題襟過令尹子文祠云霜林凋木葉埜水落寒陂客訪郢中
舊人傳楚相祠鹿裘瞻兒古虎乳詫神奇一字尼山定烝嘗永
不遺

王兆麟字業振

兆麟負才不遇目疾卒孤女文鑒六齡卽能讀父書後學爲詩
亦畧成章其秋莫云鵲巢野煙碧漁歌遠浦幽夕陽疎柳外一
片斷腸秋恩庵亟賞之楚天樵話

張鏜字水南

鐘性雋敏矯然不羣詩文雄肆與姪清標齊名孫姓亟稱之有句云玉樹明珠相掩映水南文字竹樵詩又張氏有名鵬翹者字振亭尙行誼力學工詩與李雪坪傅野園輩相酬唱

秦篤輝

字山子號榆邨貢生有墨緣館集

弟篤新

篤輝風裁整峻抱負宏深幼孤事母至孝長季一壺坐讀人罕識其面學有心得目慎獨爲宗著墨緣館集三十二種其易象通義經學質疑錄警書平書等編尤足輔翼經傳有功聖學引掖後進多所成就昔以正心術爲教自號信天翁懷清履潔無計功謀利之私夏幹園太守爲梓其詩

吳淪齋學使經學質疑錄畧曰秦子長詩古文辭集已盈尺於

經學尤爲廣大精微至平至允萃漢宋諸儒之長而去其所蔽者

古意云晚食當肉肉尚輸緩步當車車弗如遊目縱觀天宇大
衢途何事爭崎嶇半林疎樹憂鳴玉野馬參差投暮宿在問剝
啄靜不聞幽人獨對寒溪綠示子云恒屬羣功本謙居衆德門
謹身珍璞玉守口慎兜鍪詩自爲餘事書當味義根我慙無雅
範祖訓凜茲言書萬艸簾方詩集後云斯人懷雅抱天地發真
聲不以窮愁積而令氣骨輕百季消短髮四始託長鳴且有淵
源在譚白孫偕舊列盟荆州懷古云無志勤王卽下材枉從八
駿數追陪坐談胸少英雄計溺愛情深骨肉哀上客誰憐孤鳳

咏高歌空負野鷹來景升兒子尤豚犬祇讓江東伯業開長相
思云逢人只說慣相思世路相思未可知唯有廣州紅豆子相
思紅到歲寒皆

篤新字鳳門官知縣有歸田雜詠治中州有政聲乞病後詩多
真率不假雕飾佳句如清脾和胃雙弓米益壽延年獨睡丸難
言此日當言事補讀先年未讀書添趣客因詩送酒消閒天爲
我留書老愛讀書甘悔晚心求寡過效愁難周召昔原論道德
臯陶今豈必科名存心世事畱餘地具眼平生看冷人局外儘
能行好事忙中偏許作閒人人逢事敗難尤已吏到才窮怕戀
官詩吟近事隨心得鉢喫家常努力殮又錢可生人可殺人心

存方便最宜人日角風來雲自散山頭雨過壑爭流皆厯事多
而有得之言也

又書嚴先生祠堂記後云世重嚴子陵我欽漢光武子陵不入
仕高行自莫伍功言兩不見德亦無從樹若非漢天子區區弋
牧豎布衣引同卧名遂成千古今古子陵多空與世仰俯

宋紹琬

字賓龍號翰樵貢
生有四香館詩集

紹琬幼穎悟年十三鮑覺生學使奇其文補諸生學問贍博工
詩古文詞善醫求者無間遠近兵燹後流寓孝感受其成就者
尤多

翰樵先生兒皆先子卽稱誦其文心焉藏寫至庚辰獲交令子

瀛生求得四香館稿俯讀一過償景仰之願於四十餘年之後
緣亦奇矣詩學深力厚根於漢魏浸淫於蘇陸其才氣高瞻又
足以俯納羣流挫籠萬有饒烈婦樂府效竹垞體八十韻五古
爲集中傑作近體亦清越可誦茲編略登一轡目誌快牽

饒烈婦歌云妾有夫唯一德汝何人敢污妾妾生清門歸夫家
世業圯人矢儉勤荏苒三四載屢爲避賊東西奔夫逃妾居守
目極凶醜自恨不能持梃碎賊首俄焉一賊至入室罄所有人
畏賊如虎妾視賊如狗餌以金帛脅以又大罵逆賊不絕口賊
曰從不從婦曰死便死伸頸就賊甘如飴展轉激怒拔刀起其
身冰玉潔其志金石堅轉僭賊手全其天咸豐昔歲維五宵二

月日戊午嗚呼血噴賊衣賊氣沮頭顱一擲香萬古寶華臺派
雲峙烈婦居河之浹夫家誰饒氏子母家誰龍門李節待旌詩
稱美繁何人村婦耳宛南書院感懷云十里山城路三季幕府
春有情難作佛無用且依人世味閒中領詩懷雨裏新閉門還
覓句嗟昔弋燈青南陽懷古云大度劉文未純忠葛武侯君臣
閒兩漢事業各千秋臺上風雲合隆中歲月過莫將三鼎峙成
敗論英流塞垣秋艸云荒原狼藉撲秋旌一帶平沙白侶冰塞
外涼風嘶牧馬城邊獵火逐韞鷹王關信遲書千里畫角吹殘
月半稜莫向咸陽訪遊俠寒蕪渺渺漢諸陵題畫蝴蝶云南朝
金粉北臙脂作隊成團五色奇憑仗東風好擡舉等閑飛上最

高枝宅如醉歌入後數偶云對花酌陶然樂醉不知月出醒不
知月落非深得飲趣者不能道又老去雄心猶看劍殘年苦累
且攻詩蘆花云鷺大寒塘秋在水雁飛遠浦夜生潮皆清瑣可
誦

王文壇

字雪邨

文壇幼穎敏七歲時父作詩有待敲者輒請下一字父奇之十
五籍諸生旋中副車生平安貧樂善教授鄉里

踏車謠云布穀飛飛桑柘晴穉種隴底白雲橫水聲盈湧車聲
惡中間不着踏歌聲翁鳴鉦婦擊鼓長腔曼調歌娛娛自曉踏
歌直到午單衣溼透汗如雨汗雨溼衣且莫惜秋來懼有官稅

逼

陳

衢

號觀煠衢光副榜有東岡艸

衢少能文工詩嘗受知於沈鼎甫先生詩直抒胸臆不加緣飾
丁粵逆之運發憤上書頗中肯事惜不見用悒悒且終憎哉

君中季頗精素問之學而不輕爲人試有贈醫句云微利而殺
人愚者所不爲無辜而殺人智者豈爲之所獲能幾何輕言儒
變醫豈知活人術每有殺人時所賢有心得勿徒居不疑非不
肯弋獲噬臍悔何追休爲無恒輩欺人竟自欺仁言危語洵爲
操斯術者下頂門一針

觀秋襟度瀟灑善談名理古詩俊逸超羣律詩婉麗清切意匠

深秀有三謝韋柳之遺響遊醫漢皋云故國芝曾採它山藥再
鋤壺懸初日上峰看夕陽餘願得瘡痕復同爲仁壽居調元欣
有術造命果何如碧雲泉與李栞夫鍾雲舫同飲云茶香清不
斷小憩碧雲泉多少滄桑感都非少壯季河山橫落照墟里上
孤煙鶴唳鹵江月誰爲奏凱還鸚鵡洲懷古云驚濤飛拍怒聲
狂恍聽三搥鼓激昂亂世何堪輕出處才人不朽是文章連天
芳艸迷荒塚夾岸桃緜幾夕陽弗向孫曹通弋刺至今回管臥
龍岡晴川閣云滔滔江漢日爭流遶閣川充西面浮風送濤聲
來赤壁雲飛帆影下黃州晉碑苔護六朝墨禹柏煙含百代秋
隔岸何人吹玉笛夜深催月上峯頭讀心經云弋絛都不挂萬

灑總歸空未死心
生死生天自此中
憫燕云賊來焚其巢
人胡折其偶可憐
梁上雛待哺嗷嗷
久漢陽竹枝詞云
桃花洞口桃花新
桃花曾照楚宮人
至今如花人尚在
桃花猶占舊昔春
郎住漢陰妾漢陽
晴川閣上望歸航
大江不斷東流水
郎意妾情孰短長
懷王讓生師云
教到梳頭要入
昔殷勤代爲理
青絲而今白髮
雙蓬鬢羞對菱
鴛負母慈

余世楠

字香林
諸生

世楠爲余父劉聘之文學受業師
哀安仁之蚤逝憫伯道之無兒
恐其湮沒爲出遺詩一帙囑入
選聘之能執風義於師友之間
洵今之古人也感其意爲錄和人
題紅葉句云生憎一片葉

無故惹相思望斷秋山影幽人知未知幽艷古峭才人吐屬情
樞落吳江宅皆未稱然拾孔翠一毛究勝凡鳥累百卽此二十
字已足以傳聘之可勿憾矣

釋海聰

字維楚
字維憚

海聰善詩文嘗泛洞庭歷衡嶽有過洞庭望君山云君山頂上
布金沙僧舍重開古梵家我欲停帆無住著竟將身世等浮槎
楚詩紀

釋彼岸

有石壁
詩鈔

彼岸舊家子少穎敏有羸疾遂就僧披薤邑有歐陽氏家塾與
寺鄰彼岸日往聽讀久之通儒書悟禪理尤善作詩嘗渡黃河

登泰山游山左北平窮厓塞外而歸

題赤壁西峰寺云赤壁磯前做碧流風低雅影夕陽樓三冬霜
冷趨熊客一徑雲荒鏢釣舟湖捲輓轆寒井咽字迷蛸蚪斷碑
愁煙霞滿目堪題詠倚檻踟躕弔古邱